

Wacanen crita ing ngisor iki kanggo jawab pitakonan!

Srikandhi Madeg Senapati

Perang Bharatayuda saya suwe samsaya rame. Pandhawa lan kurawa padha ngetoke senapati kanggo manggala yudane para prajurit. Prabu Duryudana tetep ngukuhi Nagara Ngastina. Ratu iki nduweni watak ingkang srakah. Amarga iki ndadhekake perang Bharatayuda ora bisa diendheg. Sawijine dina Prabu Duryudana misuda Resi Bisma dadi senopatine Kurawa. Resi Bisma iku pandhita kang nduweni watak wicaksana lan sabar. Kajaba kuwi para prajurit Pandhawa padha wedi karo kadigdayane Resi Bisma. Raden Seta kang dados senapatine Pandhawa gugur dening Resi Bisma.


Pandhawa isih sungkawa penggalih. Amarga putrane Arjuna kang sesulih Bambang Irawan ing palaga kurusetra. Prabu Kresna nyeraki Raden Arjuna kalih ngasta sanjata cakranipun kanggo nandhingi Resi Bisma. Ananging Raden Arjuna atur pemuat supados Prabu Kresna ora nandhingi Resi Bisma ing perang Bharatayudha. Prabu Kresna kang nduweni watak wicaksana sarajuk marang ature Raden Arjuna wau.

Sawijine dina, Wara Srikandi ditimbali Raden Arjuna supaya ngadhep Prabu Kresna. Wara Srikandi didawuhi madeg dados senapatine. Lan Wara Srikandi saguh dados senapatine Pandhawa kanggo ngadepi Resi Bisma. Anggendhong endhong lan menthang gandhewa, Wara Srikandi nandingi senapatine Kurawa aran Resi Bisma.

Wara Srikandi setunggal kreta kalih garwane, yaiku Raden Arjuna. Wara Srikandi nglepasake panahe ngener jajane Resi Bisma, ananging ora bisa tumama. Banjur nusuli anglepasake panahe ngenani gandare panahe Wara Srikandi. Panahe wau nanceb ing jajane Resi Bisma. Resi Bisma banjur tiba saka kretane, gumlung ing bantala banjur pralaya.

Sanadyan Wara Srikandi iku prajurit wanodya, nanging trengginas lan cukat. Wara Srikandi yen ngomong ladak, kumresak nanging saget mrantasi karya. Watake Wara Srikandi yaiku setya, jujur lan becik tata kramane uga pinter anggone perang.

1. Sing ngusulake Wara Srikandi dados senapatine Pandhawa yaiku
 - a. Prabu Kresna
 - b. Prabu Duryudana
 - c. Raden Arjuna
 - d. Resi Bisma
2. Nalika Wara Srikandi madheg dados senapati mungsuh
 - a. Prabu Duryudana
 - b. Prabu Kresna
 - c. Resi Bisma
 - d. Bambang Irawan
3. Perang Bharatayudha iku perang karo
 - a. Pandhawa karo Kurawa
 - b. Pandhawa karo Ngastina
 - c. Ngamarta karo Pandhawa
 - d. Madukara karo Kurawa
4. Prabu Duryudana tetep ngukuhi Nagara Ngastina. Ngukuhi tegese
 - a. menegahake
 - b. ngulungake
 - c. nggondheli
 - d. ngiklasake

- 
5. Watake Prabu Duryudana kang njalari perang Barathayuda ora bisa diendheg.
- a. wicaksana
 - b. trengginas
 - c. srakah
 - d. andap asor
6. Resi Bisma iku senapati nagara
- a. Ngamarta
 - b. Ngastina
 - c. Madukara
 - d. Jodhipati
7. Pandhawa isih sungkawa penggalihe amarga
- a. Raden Bisma madheg dadi senapati
 - b. Bambang Irawan gugur ing palagan
 - c. Prabu Kresna duka kalih Prabu Duryudana
 - d. Wara Srikandhi ora gelem dadi senapati
8. Wara Srikandhi iku garwane
- a. Prabu Kresna
 - b. Resi Bisma
 - c. Raden Bima
 - d. Raden Arjuna
9. Resi Bisma nduweni watak
- a. srakah
 - b. gumedhe
 - c. wicaksana
 - d. galak
10. Prabu Kresna kang nduweni watak wicaksana sarujuk marang ature Raden Arjuna wau. Tembung sarujuk tegese
- a. bedha
 - b. lunga
 - c. cocog
 - d. nyedhaki
11. Raden Seta iku Senapatine kang gugur dening Resi Bisma.
- a. Kurawa
 - b. Pandhawa
 - c. Dhawawati
 - d. Ngastina
12. Papan kanggo perang Barathayuda arane palagan
- a. Ngamarta
 - b. Kurusetra
 - c. Plangkawati
 - d. Bumi Retawu
13. Panahe Wara Srikandi nanceb ing perangane awake Resi Bisma sisih
- a. astane
 - b. jantunge
 - c. jajane
 - d. mustakane

14. Resi Bisma banjur tiba saka kretane, gumlungung ing bantala banjur pralaya.

Tembung Pralaya tegese

- a. sehat
- b. urip
- c. mati
- d. mlayu

15. Ing ngisor iki sing ora klebu watake Wara Srikandhi yaiku

- a. becik tata kramane
- b. cukat
- c. trengginas
- d. jirih

16. Paraga kang duweni watak ala di arani

- a. antagonis
- b. protagonis
- c. tritagonis
- d. paraga

17. Tokoh kang dicritake sajroning crita arane

- a. alur
- b. latar
- c. paraga
- d. watak

18. Sipat sipat kang diduweni dening para paraga ing sajroning crita diarani

- a. plot
- b. latar
- c. paraga
- d. watak

19. Gatekno gambar ing ngisor iki !



Gambar wayang ing dhuwur arane

- a. Wara Srikandhi
- b. Dewi Kunthi
- c. Dewi Sembadra
- d. Dewi Madrim

20. Gatekno gambar ing sisih ngisor iki!



Gambar wayang ing sisih dhuwur arane

- a. Prabu Duryudana
- b. Prabu Kresna
- c. Raden Arjuna
- d. Resi Bisma